

اُمُّ الْمُؤْمِنِينَ  
حضرت سیدہ عائشہ صدیقہ رضی اللہ عنہا

مؤلف  
رازول کوہستانی

## اُمُّ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

نُوم عائشہ، خطاب اُمُّ الْمُؤْمِنِينَ، کُنیت اُمُّ عبد اللہ، القابنی صدیقہ، حبیبۃ الرسول، طیبہ، حبیبۃ المصطفیٰ، المبرہ، الموفقہ، حمیراء۔ اجئیے نُوم سیدہ زینب بنتِ عامر آں کُنیت اُمُّ رُومان۔ ژاؤمے نُوم سیدنا عبدالرحمن بن ابوبکر۔ نسبی لڑ کنانہ دہ گئے نبی علیہ السلام سے ایکھتینو۔

پائڈخ: پائڈخ: 614 عیسوی - وفات: جولائی 678 عیسوی۔

**کُنیت:** حضرت عائشہ رضی اللہ عنہا اے کُنیت اُمُّ عبد اللہ نی۔ عرب دہ اشراف جگو کُنیت چہورون عزتے ایک بڑو نکھو گنّیجاسو۔ حضرت عائشہ رضی اللہ عنہا اے اُولات ناس۔ ایک چھک حضور صلی اللہ علیہ وسلم تڑ تومی نِمگیڑتیاگی عرض تھیگی: ”مُتّی چیئے سہ تومی مُچھنی اُولاتے نُومجی تومی کُنیت چہورین، مونس تومی کُنیت جیئے نُومجی چہورم؟“۔ حضور صلی اللہ علیہ وسلم ای ارشاد تھیگہ ”تومی سزے پُچ عبد اللہ اے نُومجی“۔

**مالو:** حضرت عائشہ رضی اللہ عنہا بُبائے اصل نُوم عبد اللہ، کُنیت ابوبکر، لقب صدیق آں ابوبکر صدیق اے نُوم گئی مشہورن۔ اسلام اٹونجی مُچھو بیٹے نُوم عبدالکعبہ سو۔

**نسبی لڑ:** حضرت عائشہ رضی اللہ عنہا تومو مالو حضرت ابوبکر صدیق رضی اللہ عنہ اے طرفجی قریش تابین بنو تمیم آں اجئیے طرفجی قریش تابین کنانہ سے ایکھتینی۔

**مالے شجرہ:** عائشہ بنتِ ابی بکر بن ابی قحافہ عثمان بن عامر بن عمر بن کعب بن سعد بن تیم بن مرہ بن کعب بن لوی بن غالب بن فہر بن مالک<sup>2</sup>۔

**اجئی اے شجرہ:** عائشہ بنتِ اُمُّ رومان زینب بنتِ عامر بن عویمر بن عبد شمس بن عتاب بن اذینہ بن سبیع بن وہمان بن حارث بن غنم بن مالک بن کنانہ<sup>3</sup>۔

**دادو:** ابو قحافہ عثمان بن عامر بن عمرو التیمی القرشی۔

**دَدی:** اُم الخیر سلمی بنتِ صخر بن عامر التیمیہ القرشیہ۔

<sup>1</sup> امام احمد بن حنبل: مسند احمد، مسند عائشہ، جلد 9، حدیث: 4726، حدیث مرفوع: طبقات ابن سعد، جلد 2، ص: 55-77۔

<sup>2</sup> محمد بن سعد، طبقات ابن سعد۔

<sup>3</sup> محمد بن سعد، طبقات ابن سعد۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

**ملارہ:** حضرت عائشہؓ اے چار ملاراسی۔ اُم رومان بنتِ عامر تومی اُسکون ماں سی آں اسماء بنتِ عمیس، قتیلہ بنتِ عبدالعزیٰ گہ حبیبہ بنتِ خارجه لوگی ملاراسی۔

**زاروئے:** حضرت عائشہؓ اے چے زاروئے سہ۔ عبدالرحمن بن ابی بکر (اُسکون ژا)؛ عبداللہ بن ابی بکر گہ محمد بن ابی بکر لوگہ زاروئے سہ۔ عبداللہ بن ابی بکر حضرت قتیلہ اے پُچس، محمد بن ابی بکر حضرت اسماء بنتِ عمیس اے پُچس۔

**سزارہ:** حضرت عائشہؓ دوں چے سزاراسی آں چوٹیئی اکو مجی لوگی سزاراسی۔ عائشہ بنتِ اُم رومان، اسماء بنتِ قتیلہ بنتِ عبدالعزیٰ، اُم کلثوم بنتِ حبیبہ بنتِ خارجه۔ بیٹو مجی بڑی سس حضرت اسماء سی آں تن لیکھی سس حضرت اُم کلثوم، کہاں ابوبکرؓ اے وفاتجی پتو پائدا پلس۔

**پائندخ:** حضرت عائشہؓ، نبی علیہ السلام اے بعثت اے پوشموگو کال آں ہجرتجی چے کال مچھو جولائی 614 عیسوی دہ مکہ دہ پائدا بلی۔ بیٹے ماں مالو بیٹے پائندخجی پوش کال مچھو مسلمان بلاس، آگئی حضرت عائشہؓ مسلمانی حالت دہ پائدا بلن۔ بیٹے اول عمر مکہ دہ لگتھس، ناؤں موگو کال تومی ماں گہ ژاوی سے ساتی ہجرت تھے مدینہ ٹر گئی سی۔

**نوم جی تھون:** حضرت عائشہؓ تم مچھو جبیر بن مطعم اے پچے نومجی (منسوب) تھيگاس۔ کہاں وخ دہ نبی علیہ السلام سے گرے کریا پیغام اٹیگہ تو ابوبکر صدیقؓ تومی لوظ گہ لپسے کریا دہ جبیر بن مطعم اے گوشٹھہ گیاؤ آں کھوجاؤ: ”تھو عائشہ اے نسبت تومو پچ سے تھائے سوئے، چيے جو رزانوئے، اسہ موڑجی کرو نوئے یا پھٹلو نوئے؟“۔ جبیر بن مطعم ای تومی چيے جی کھوجاؤ، اسہ بُجیش جبیر بن مطعم اے ثبر مسلمان نہ پلس، آگئی سہ سے چيؤ رجیگی: ”اگر آملئی اسے گوشٹھہ زھائل بوئے آئی تو اسے پچ بے دین بو، آ گئی بیس آگر نہ تھوئس“۔ ابوبکر صدیقؓ آشٹی خوشحالہ بوئے مرک بوئے تومو گوشٹھہ آلو چہ جبیر بن مطعم سے تھیلی لوظجی جبیر اکے پھٹلن آں چيے نبی علیہ السلام سے کربستائے پون دہ جوک گہ رکاوٹ نش۔

**لُہال گہ زھائل:** حضور صلی اللہ علیہ وسلم اے نکاح سچنی جی پتو حضرت عائشہؓ سے لُہال بلی، اسہ وخ دہ سیٹے عمر مبارک شہ کالس۔ مراۃ المناجیح دہ لکیلن چہ حضرت عائشہؓ شہ کالو تام بوئے ستموگو کال دہ اجتس کرہ سہ سے نکاح پلس۔ بیٹے نکاح مکہ دہ آں زھائل مدینہ دہ بلی، مہار پوش شل درہم موقرژ

امام احمد بن حنبل، مسند احمد، جلد 6، ص: 211؛ سید سلیمان ندوی ہیرت حضرت عائشہؓ، ص: 24۔<sup>4</sup>



## اُمُّ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

پس، نکاحے وخ ده بیٹے عمر مبارک 6 کالس، آن زهانلے وخ ده عمر مبارک 9 کالس<sup>5</sup>۔ حضرت عائشہ رضی اللہ عنہا سے زهانلے وخ ده نبی علیہ السلام دی مہار اے رقم ناسی، تے سیٹا ابوبکر صدیق رضی اللہ عنہ جی قرض اٹے حضرت عائشہ رضی اللہ عنہا ٹر پلیگہ<sup>6</sup>۔

حضرت عائشہ رضی اللہ عنہا آئے وجہ گئی مئی اُمہات المؤمنین مجی سماجی مرتبہ ده بسکس چہ سہ ایک قوئی (بتول) لُہال بوئے زهانلے پس ہاں مئی ازواجِ مطہرات کگونوؤ حالت ده حضور ﷺ اے نکاح ده آلیاسی، آ گئی حضرت عائشہ رضی اللہ عنہا سہ ہمیشہ فخر تھیسئی۔

مُؤرخین سہ حضور ﷺ گہ حضرت عائشہ رضی اللہ عنہا اے زهانلے دو بڑہ سوہبی رزن۔ ایک آئے چہ حضرت عائشہ رضی اللہ عنہا عقل فکر، فہم گہ فراست آن ایک عظیم پاکباز چیئی قامس۔ دوموگئی سوہوب آئے چہ سیٹے مالو حضرت ابوبکر صدیق رضی اللہ عنہ اے اسلام گہ حضور صلی اللہ علیہ وسلم اے کریا لئی بڑی قربنی گہ ایثارس آن سیٹے ایک بڑی تاپین سے نستیس، ہر سختی گہ راحتگی وخ ده نبی علیہ السلام سے لخ چوکاس۔

بلبیو نوٹنی: حضرت عائشہ رضی اللہ عنہا بال چھلو نوٹنیڑ لئی کھوش بیسی۔ چہام گاونڈے پھیارہ سیٹودی ٹول بینس۔ نوٹنی مجی بُٹج بسکئی گڑیئی نوٹون گہ ٹال بون لئی کھوش بیسی<sup>7</sup>۔ ایک چوٹ حضرت عائشہ رضی اللہ عنہا گڑیو سے نوٹاسی، گڑیو مجی دو پچھالیو ایک اشپو گہ آسلی، آس مجی نبی علیہ السلام آلہ آن کھوجیگہ: عائشہ آ جوکن؟ ینہ سو رجیگی: اشپو نی۔ نبی علیہ السلام ای ارشاد تھیگہ: اشپو اے پچھالی نہ بین۔ حضرت عائشہ رضی اللہ عنہا او بیخیارو رجیگہ: کیہ؟ سلیمان علیہ السلام اے اشپو پچھالی تو آسلی۔ آ شٹی نبی علیہ السلام کھشیٹ ہزلہ<sup>8</sup>۔

رونک گہ پوچہ: محققین گہ سیرت ناگارس رزن چہ حضرت عائشہ رضی اللہ عنہا اے رونک مبارک شو سو آن مکھجی شناکک لہیلیار بسکس کھاس سے وجہ گئی سیٹے لقب حمیراء مشہورس۔ سیرت ناگارس رزن حضرت عائشہ رضی اللہ عنہا ناؤں دائے کالو مجی پیغلتوہڑ اچھتس۔ آ گہ رزن چہ کچی بار ده سیٹے دھڑ چٹس، پتو دھڑ ده شناکک ٹھیلیار آس۔ سیٹے استعمال ده پوٹ درہم قیمتے ایک قمص بیسی کھاس اخسر دجری بوننس۔ کرہ کرہ

<sup>5</sup> بخاری شریف، جلد 2، کتاب المناقب، حدیث: 1014۔

<sup>6</sup> زیر منصوری، ام المؤمنین حضرت عائشہ، ص: 8۔

<sup>7</sup> امام ابوداؤد، کتاب اللدب، سید سلیمان ندوی، سیرت حضرت عائشہ، ص: 22۔

<sup>8</sup> مشکوٰۃ، باب عشرة النساء، سید سلیمان ندوی، سیرت حضرت عائشہ، ص: 22۔



## ام المؤمنین حضرت سیدہ عائشہ صدیقہ رضی اللہ تعالیٰ عنہا

لہیلئ قمص گہ بوننس آن کٹئی خادر اڑگینس۔ شک دہ یمن اے سنیلو ہار پیسو، کعبہ اے طواف تھون دہ مک مبارکجی نقاب پیسو، آن زعفران دہ رونگ دیلہ پوچو گئی حج تھینس۔ تومو شش مبارکڑ اخسر خوشبو پلینس۔

**آؤلات:** حضرت عائشہ رضی اللہ عنہا اے آؤلات ناس۔ ایک روایت ابن الاعرابی سے لکینو چہ ایک نمگیڑے بال ساقط بلُس، مگر اخسر محققین سے آموش رشتیا نہ کلین۔

**حجاب:** رابعی اسحق اعمی کہاں شیؤس، رزانو ”ایک چوٹ مون حضرت عائشہ رضی اللہ عنہا دی گیس، تو سیٹا پڑدا تھیگہ، مون رجاس خھا موجی پڑدا تھیت مونس تو خھو نہ پشامس۔ تے حضرت عائشہ رضی اللہ عنہا او رجیگی: ”اگر تُس مون نہ پشبانوئے تو مونس تو تُو پشامس“۔

**جنت البقیع ٹر بوجون:** ایک چھک رات نبی علیہ السلام حضرت عائشہ رضی اللہ عنہا اے گوڑاس۔ دم راتنی دی نبی علیہ السلام ای چکیگہ تو حضرت عائشہ رضی اللہ عنہا نیڑجاسی، تے حضور صلی اللہ علیہ وسلم ای چھوت ہے اُتھی تومنی خپلیئی بونی، خادر اڑگئی، در پتوڑ تھے، کھش بوئے نکھڑی ہچڑ گئے، مگر حضرت عائشہ رضی اللہ عنہا چلیس، نیڑجی ناسی۔ سہ سوچوڑ گئی چہ نبی علیہ السلام آوخ دہ کوڑ گئے، آ گئی اُتھی تومنی خادر اڑگئی نبی علیہ السلام پتو روان بلئی۔ نبی علیہ السلام جنت البقیع دہ اُچھتہ آن حضرت عائشہ رضی اللہ عنہا اسدی گئے سیٹوجی شنا دُور چوکلئی۔ نبی علیہ السلام سہ بت ہوٹ تھے دُعا تھے بتی کھرڑ ولے پھری بتی ہوٹ تھے دُعا تھینس۔ اتھ سیٹا چے چوٹ دُعا تھیگہ۔ حضرت عائشہ رضی اللہ عنہا آپشی اکوڑ چپ بوئے مرک بوئے گوڑہ آبی تومی بتھارجی ژیک بلئی آس مجی نبی علیہ السلام گہ مرک بوئے آلہ۔ آبی پشیگہ تو حضرت عائشہ رضی اللہ عنہا چلیس۔ نبی علیہ السلام ای سیٹو پشی رجیگہ: ”تو شنا بجلئی ہے کیا نیئی؟“ تے سہ سو بقیع بْجیش بوجون گہ آیونے قصہ تھیگی۔ حضور صلی اللہ علیہ وسلم ای ناز گئی چھوت ہے شپٹ تھے ارشاد تھیگہ: ”تُس آ گئینیئی چہ اللہ گہ اللہ اے رسول سہ تُو سے ناانصافی تھوی“۔<sup>9</sup>

**ڈکریون:** رزن نبی علیہ السلام اے زمنہ دہ عرب دہ ایک تورسری کس کہاں سے ذکر سیرت گہ رجال کتابو مجی تھیگان۔ آتورسریئے بارد رزن چہ یبہ سے خاص خاصیات آئے سی چہ سیس ازواج مطہراتو مجی چوغلی تھے سیٹو اکو مجی ڈکیاراسی: (کانت تحرش بین ازواج النبی صلی اللہ علیہ وسلم)۔ سیس تومنی چھائے اکے منیسی۔ سہ سبجی

<sup>9</sup> محمد بن سعد، طبقات ابن سعد۔

<sup>10</sup> زیر منصوری، ام المؤمنین حضرت عائشہ، ص: 10، 11۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

کھوجیگہ: تھوئے موڑی سینس (امہات سہ) دان کیہ گئیس؟ سہ سو رجیگی دان نہ گئیگہ بیل تو مؤس کیہ رزم بیل<sup>11</sup>۔

**واقعہ افک:** حضرت عائشہ رضی اللہ عنہا جی افک دہ تہمت شیونری واقعہ غزوہ بنو مصطلق جی مرک بوئے آیون دہ شعبان، 5 ہجری پیخ بلس۔ قرآن مجید دہ آ واقعہ رد بلن<sup>12</sup>۔ حضرت عائشہ رضی اللہ عنہا ائے برأت دہ سورت النور، آیات 11 جی 20 بجیش نازل بلیئی۔

إِنَّ الَّذِينَ جَاءُوا بِالْإِفْكِ عُصْبَةٌ مِنْكُمْ لَا تَحْسَبُوهُ شَرًّا لَكُمْ بَلْ هُوَ خَيْرٌ لَكُمْ لِكُلِّ امْرِئٍ مِنْهُمْ مَا اكْتَسَبَ مِنَ الْإِثْمِ وَالَّذِي تَوَلَّى كِبْرَهُ مِنْهُمْ لَهُ عَذَابٌ عَظِيمٌ ۝ لَوْلَا إِذْ سَمِعْتُمُوهُ ظَنَّ الْمُؤْمِنُونَ وَالْمُؤْمِنَاتُ بِأَنْفُسِهِمْ خَيْرًا وَقَالُوا هَذَا إِفْكٌ مُبِينٌ ۝ لَوْلَا جَاءُوا عَلَيْهِ بِأَرْبَعَةِ شُهَدَاءَ فَإِذْ لَمْ يَأْتُوا بِالشُّهَدَاءِ فَقُلْتُ سَمِعْتُمُوهُ فَلَمَّ عَلَيْهِمْ عَذَابٌ عَظِيمٌ ۝ وَلَوْلَا فَضْلُ اللَّهِ عَلَيْكُمْ وَرَحْمَتُهُ فِي الدُّنْيَا وَالْآخِرَةِ لَمَسَّكُمْ فِي مَا أَفَضْتُمْ فِيهِ عَذَابٌ عَظِيمٌ ۝ إِذْ تَلَقَّوْنَهُ بِأَلْسِنَتِكُمْ وَتَقُولُونَ بِأَفْوَاهِكُمْ مَا لَيْسَ لَكُمْ بِهِ عِلْمٌ وَتَحْسَبُونَهُ هَيِّنًا وَهُوَ عِنْدَ اللَّهِ عَظِيمٌ ۝ وَلَوْلَا إِذْ سَمِعْتُمُوهُ قُلْتُمْ مَا يَكُونُ لَنَا أَنْ نَتَكَلَّمَ بِهَذَا سُبْحَانَكَ هَذَا بُهْتَانٌ عَظِيمٌ ۝ يَعِظُكُمُ اللَّهُ أَنْ تَعُودُوا لِمِثْلِهِ أَبَدًا إِنْ كُنْتُمْ مُؤْمِنِينَ ۝ وَيُبَيِّنُ اللَّهُ لَكُمُ الْآيَاتِ وَاللَّهُ عَلِيمٌ حَكِيمٌ ۝ إِنَّ الَّذِينَ يُحِبُّونَ أَنْ تَشِيعَ الْفَاحِشَةُ فِي الَّذِينَ آمَنُوا لَهُمْ عَذَابٌ أَلِيمٌ فِي الدُّنْيَا وَالْآخِرَةِ وَاللَّهُ يَعْلَمُ وَأَنْتُمْ لَا تَعْلَمُونَ ۝ وَلَوْلَا فَضْلُ اللَّهِ عَلَيْكُمْ وَرَحْمَتُهُ وَأَنَّ اللَّهَ رَعُوفٌ رَحِيمٌ ۝

(ترجمہ: ”کہاں جگا بہتان شئیگان خھو مجی ایک ٹولے نی، اسہ تومو حق دہ کھچٹی نہ کلیا، بلکہ اسہ خھے کریا مشٹن۔ آئیٹو مجی کھاں موڑوے گنائے کچا باگو بریاؤن سہ سے کریا اج اسچا وبالن۔ آن جیئی اسٹو مجی آ بہتانے بڑی بوکی بوٹ تھاون سہ سڑ بڑو عذاب بو ۝ کھاں وخ دہ خھا اسہ مؤس شٹلست تو مومن مشو گہ جیو جی تومو بیو دہ نیک گمان کیہ نہ تھیگہ۔ آن کیہ نہ رجیگہ چہ آ صریح گگلن ۝ آ جک (افتراء پرداز) تومو موڑے (تصدیقے کریا) چار شیدان کیہ نہ اٹیگہ۔ تو بیٹا شیدان نہ اٹبالہ تو خودے پنیز دہ اج آئے چوٹیرن ۝ آن اگر دنیے گہ اخرت دہ خھوجی خودے فضل گہ سہ سے رحمت نہ بلی بیل تو کھاں موڑے خھوس غوغہ تھینست اسہ سے وجہ گئی خھوجی بڑو (سخ) عذاب نازل بی بیل ۝ کھاں وخ دہ خھوس تومی جیوگی ایک متو سے اسہ سے ذکر تھینست آن تومی<sup>۱۱</sup> آتزی گئی ادو مؤس رزست کھاں سے خھوڑ جوک گہ لیل ناسی آن خھوس اسہ ایک لیکھو بو مؤس لیچھینست (گئینست) آن خودے پنیز دہ اسہ بڑو ہگرو مؤشس ۝ آن کرہ خھو اسہ شٹیلست تو کیہ نہ رجیت چہ اسوڑ آ شایان نانو چہ ادو مؤس جیجی نہ اٹون۔ (پروردگار) تو پاکن آ تو (لو) بڑو بہتائن ۝ خودیس خھوڑ نیصیات تھینو چہ اگر مومن نت تو پھری کرہ گہ ادو کوں نہ تھیا ۝ آن خودئی سہ خھو

<sup>11</sup> ابن حجر عسقلانی، الاصابہ، سید سلیمان ندوی، سیرت حضرت عائشہؓ۔

بخاری شریف، جلد 3، کتاب الاعتصام، حدیث: 2224؛ مسلم شریف، جلد 3، کتاب الرقاق، حدیث: 6892۔<sup>12</sup>

## اُمُّ الْمُؤْمِنِينَ حَضْرَت سَيِّدہ عائشہ صدیقہ رضی اللہ تعالیٰ عنہا

(پرچریونے کر یا) تومی آیات پھرگہ پھرگہ بیان تہینو۔ آن خودئی لچھیک گہ حکمت اے خوانن O آن کھان جک آموش پس تہینن چہ مومنو مجی بے حیائی یعنی (بدکاری تہمتے خبر) خور بی سیٹور ڈنیرے گہ آخرت دہ دکھ دیک عذاب بوا۔ آن خودئی سہ لچھینو آن خھوس نہ لچھینت O آن اگر خھوجی خودے فضل گہ سہ سے رحمت نہ بلی بیل (تو جو جو نہ بی بیل مگر سہ کریمن آن آ چہ خودئی مہربان گہ رحیمن۔ (النور، آیات 11 جی 20 بُجیش)۔

آ فتنائے گوٹ عبداللہ بن ابی سؤ آن سینس سے ساتی منافقو ایک ٹولے فتنہ خور تھونے مرتکب بلس۔ مسلمانو مجی کوئے گہ آ فتنہ دہ ٹل ناسو بیل اسہ چے مٹوڑہ کھائیٹو مجی مسطح بن اثاثہ، حسان بن ثابت گہ حمنے بنت جحش ٹلس آن کھان منافقو چھل دہ آلاس۔ بیٹوجی حد قدف جاری بلی، چریو چریو کورڑائے دیگہ آن سہ تومی چھا جی پھلہ<sup>13</sup>۔

### مناقب اُمِّ الْمُؤْمِنِينَ حَضْرَت عائشہ رضی اللہ عنہا

■ عَنْ عَائِشَةَ رَضِيَ اللَّهُ عَنْهَا قَالَتْ: قَالَ لِي رَسُولُ اللَّهِ ﷺ: أَرَيْتُكَ فِي الْمَنَامِ مَرَّتَيْنِ أَرَىٰ أُنْكَ فِي سَرَقَةٍ مِنْ حَرِيرٍ وَيُقَالُ: هَذِهِ أَمْرَأَتُكَ، فَانْكَشَفَ عَنْهَا فَإِذَا هِيَ أَنْتِ فَأَقُولُ إِنَّ يَكُ هَذَا مِنْ عِنْدِ اللَّهِ يُضْهِهِ.

” حضرت عائشہ رضی اللہ عنہا جی رویتن چہ حضور ﷺ ای سیٹور رجیگہ: مون ساچھود دو چوٹ تو پشاسن چہ تو رگے پوچو مجی سلطینینی آن موڑ رزجلی چہ یہ تھوئے جماتن۔ پڑدہ بوٹ تھے چکیا، ترے مون چکاس تو تو سیئی۔ تو مون رجاس چہ اگر یہ اللہ اے طرفجانی تو سینس (اللہ سہ) ادا تھے پشو“<sup>14</sup>۔ (متفق علیہ)

■ عَنْ أَبِي سَلَمَةَ: إِنَّ عَائِشَةَ رَضِيَ اللَّهُ عَنْهَا قَالَتْ: قَالَ رَسُولُ اللَّهِ ﷺ يَوْمًا: يَا عَائِشَةُ، هَذَا جَبْرِيلُ يُقْرِئُكَ السَّلَامَ. فَقُلْتُ: وَ عَلَيْهِ السَّلَامُ وَرَحْمَةُ اللَّهِ وَبَرَكَاتُهُ، تَرَى مَا لَا أَرَىٰ تُرِدُّ رَسُولَ اللَّهِ ﷺ.

” حضرت عائشہ رضی اللہ عنہا اے روایتن چہ ایک چھک رسول اللہ صلی اللہ علیہ وسلم ای رجیگہ: وو عائشہ! آ جبرائیل سہ خھوڑ سلام رزن۔ مون جواب دیس: سیٹوجی گہ سلام بونتھہ آن اللہ اے رحمت گہ برکات بونتھہ۔ مگر نبی علیہ السلام سہ جو پشبانس اسہ مونس نہ پشبانس<sup>15</sup>۔“

<sup>13</sup> ابن ہشام: سیرت النبی ﷺ، جلد 2، ص: 205۔

صحیح بخاری، کتاب: صحابہ کرام کے فضائل، باب: حضرت عائشہ، 3/1415، حدیث: 3682؛ کتاب: نکاح، 5/1969؛ صحیح مسلم، کتاب: فضائل صحابہ، باب: فضائل عائشہ، 4/1889،<sup>14</sup>

حدیث: 2438؛ مسند احمد بن حنبل، 6/41، حدیث: 24188۔



## ام المؤمنین حضرت سیدہ عائشہ صدیقہ رضی اللہ تعالیٰ عنہا

▪ عَنْ أَبِي عُثْمَانَ: أَنَّ رَسُولَ اللَّهِ ﷺ بَعَثَ عُمَرَو بْنَ الْعَاصِ عَلَى جَيْشٍ ذَاتِ السَّلَاسِلِ قَالَ: فَأَتَيْتُهُ فَقُلْتُ: أَيُّ النَّاسِ أَحَبُّ إِلَيْكَ؟ قَالَ: عَائِشَةُ. قُلْتُ: مِنَ الرِّجَالِ؟ قَالَ: أَبُو هَا. قُلْتُ: ثُمَّ مَنْ؟ قَالَ: عُمَرُ. فَقَدَّرَ رَجَالًا فَسَكْتُ مَخَافَةَ أَنْ يَجْعَلَنِي فِي آخِرِهِمْ.

”حضرت ابو عثمانؓ سے رزنؓ چہ رسول اللہ ﷺ ای غزوہ ذات السلاسل ائے کربیا حضرت عمر بن العاصؓ سے زینو موقرؓ تھیگہ۔ حضرت عمرو بن العاصؓ سے رزنؓ مؤں رسول اللہ ﷺ ائے بارگاہ دہ حاضر بوئے عرض تھاس: یا رسول اللہ! خھوڑ بدیاد مو مجی بُئج جدالو کوئے نو؟ ارشاد تھیگہ: عائشہ، موں عرض تھاس: مُشو مجی؟ ارشاد تھیگہ۔ سیٹے مالو، موں عرض تھاس سیٹوجی پتو؟ رجیگہ: عمر، اسدیو پتو نبی علیہ السلام ای کوئے مُتہ حضراتو نُومی دیگہ آن موں آ گئی چُپ بُلُس چہ می نُوم کُدی تم پتو نہ ای“<sup>16</sup>۔ (متفق علیہ)

▪ عَنْ عَائِشَةَ رَضِيَ اللَّهُ عَنْهَا: أَنَّ النَّاسَ كَانُوا يَتَحَرَّوْنَ بِهَذَا أَيَّامُهُمْ يَوْمَ عَائِشَةَ يَبْتَغُونَ بِهَا أَوْ يَبْتَغُونَ بِذَلِكَ مِرْصَاةَ رَسُولِ اللَّهِ ﷺ.

”حضرت عائشہؓ جی مروی نی چہ جک سے تومہ تحائف نبی علیہ السلام ائے بارگاہ دہ پیش تھونے کربیا می (وار ائے) دیس چکینس، آ عمل گئی سینس (جک) نبی علیہ السلام ائے رضا لکھینس“<sup>17</sup>۔ (متفق علیہ)

▪ عَنْ عَائِشَةَ قَالَتْ: قَالَ لِي رَسُولُ اللَّهِ ﷺ: إِنِّي لَأَعْلَمُ إِذَا كُنْتُ عَنِّي رَاضِيَةً وَإِذَا كُنْتُ عَلَيَّ غَضَبِي. قَالَتْ: فَقُلْتُ: وَمِنْ أَيْنَ تَعْرِفُ ذَلِكَ؟ فَقَالَ: أَمَّا إِذَا كُنْتُ عَنِّي رَاضِيَةً فَإِنَّكَ تَقُولِينَ: لَا وَرَبِّ مُحَمَّدٍ، وَإِذَا كُنْتُ عَلَيَّ غَضَبِي قُلْتُ: لَا وَرَبِّ إِبْرَاهِيمَ. قَالَتْ: قُلْتُ: أَجَلُ وَاللَّهِ. يَا رَسُولَ اللَّهِ، مَا أَهْجُرُ إِلَّا اسْبِكَ.

”حضرت عائشہؓ ائے بیان چہ رسول اللہ ﷺ ای موڑ رجیگہ: مؤں لئی مڑنی شان گئی لیجھمس کرہ تُو موجی راض بینئی یا کرہ خپا بینئی۔ حضرت عائشہؓ سے رزنؓ مؤں عرض تھیس چہ آ موّش خھوّس کاتھہ لیل تھینت؟ حضور ﷺ ای ارشاد تھیگہ: کرہ تُو مؤں سے راض بینئی تُو رزانئی رب محمد ائے سگان! آن کرہ تُو خپا بینئی

صحیح بخاری، کتاب فضائل اصحاب رسول، باب: فضائل عائشہؓ، 3/1374، حدیث: 3557؛ صحیح مسلم، کتاب صحابہ کے فضائل، باب: فضائل عائشہؓ، جلد 4، ص: 1895، حدیث: 2447؛<sup>15</sup>

ترمذی، سنن ترمذی، کتاب: اجازت، جلد 5، ص: 55، حدیث: 2693۔

صحیح بخاری، کتاب: المغازی، جلد 4، ص: 1584، حدیث: 4100؛ صحیح مسلم، کتاب: المغازی، فضائل ابوبکر، جلد 4، ص: 1856، حدیث: 2384؛ ترمذی، سنن، کتاب الفضائل، جلد 5، ص: 706، حدیث: 16

3885؛ صحیح ابن حبان، جلد 15، ص: 308، حدیث: 6885۔

صحیح بخاری، کتاب: تحفہ، اس کی فضیلت، جلد 2، ص: 910، حدیث: 2435؛ صحیح مسلم، کتاب: فضائل صحابہ، جلد 4، ص: 1891، حدیث: 2441؛ سنن نسائی، کتاب: دس عورتیں، جلد 7، ص: 69، حدیث: 17

3951؛ بیہقی، سنن الکبریٰ، جلد 6، ص: 169، حدیث: 11723۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

تو رزائیٹی رب ابراہیم اے سگان!۔ (حضرت عائشہؓ) سے رزن مومن رجیس خودے سگان! یا رسول اللہ! اسے وخ ده مؤس صرف خھے نوم پھتمس<sup>18</sup>۔ (متفق علیہ)

■ عَنْ عَائِشَةَ رَضِيَ اللَّهُ عَنْهَا، قَالَتْ: رَأَيْتُ النَّبِيَّ ﷺ يَسْتُرُنِي بِرِدَائِهِ وَأَنَا أَنْظُرُ إِلَى الْحَبَشَةِ يَلْعَبُونَ فِي الْمَسْجِدِ حَتَّى أَكُونَ أَنَا الَّتِي أَسْأَلُ فَأَقْدُرُ أَقْدَارَ الْجَارِيَةِ الْحَدِيثَةِ السِّنِّ الْحَرِيصَةِ عَلَى اللَّهِ.

”حضرت عائشہؓ سے بیان تھینے چہ مومن نبی علیہ السلام پیشی چہ سے می بیاک اے دردی چوکہ بلاس آن حبشی تومی آیوک گئی رسول اللہ ﷺ اے جُمات ده نوٹس، رسول اللہ ﷺ ای مومن تومی خادر مبارک ده چپ تھیگاس چہ مؤس نوٹنی پیشی بوجم۔ نبی علیہ السلام می وجہ گئی چوکیو ہسار بلہ ادی بُجیش چہ نوٹنی جی می بیو پوٹو آن مومن اکے اسدیو گیٹس۔ چیتے خھوس اکے لچھیا چہ کھاں ماضم مُلٹی نوٹنی پنخیری بی سینس کرہ بُجیش (نوٹنی) چکیو بوجو<sup>19</sup>۔

■ عَنْ عَائِشَةَ، قَالَتْ: إِنْ كَانَ رَسُولُ اللَّهِ ﷺ لَيَتَعَذَّرُ فِي مَرَضِهِ أَيْنَ أَنَا الْيَوْمَ؟ أَيْنَ أَنَا غَدًا؟ اسْتَبْطَاءَ لِيَوْمٍ عَائِشَةُ فَلَمَّا كَانَ يَوْمِي قَبَضَهُ اللَّهُ بَيْنَ سَحْرِي وَنَحْرِي وَدَفَنَ فِي بَيْتِي.

”حضرت عائشہؓ سے بیان تھینے چہ نبی علیہ السلام (زنکدن ده) می وارے طلب تھونے کھوجینس چہ مومن اش کدی بیوس؟ ڈونچھی مومن کدی بیوس، ترے کھاں چھک می وارے دیس حضور ﷺ اے شس مبارک می مؤٹ داسو، اللہ عزوجل ای سیٹے روح مبارک قبض تھاو آن می گوڑہ مدفون بلہ<sup>20</sup>۔ (متفق علیہ)

■ عَنْ عُرْوَةَ بْنِ الزُّبَيْرِ، قَالَ: كَانَتْ عَائِشَةُ رَضِيَ اللَّهُ عَنْهَا لَا تُسَكُّ شَيْئًا مِمَّا جَاءَهَا مِنْ رِزْقِ اللَّهِ تَعَالَى إِلَّا تَصَدَّقَتْ بِهِ.

”حضرت عروہ بن زبیرؓ سے بیان تھینو چہ حضرت عائشہؓ دی اللہ اے رزق ده جوک گہ خیز آلو تو سینس اکو دی نہ رئیس بلکہ اج اسہ سات ده (چوکیو چوکیو) اسہ صدقہ تھے بڑیسی<sup>21</sup>۔

■ عَنْ ابْنِ أَبِي مُلَيْكَةَ، قَالَ: اسْتَأْذَنَ ابْنُ عَبَّاسٍ قُبَيْلَ مَوْتِهَا عَلَيَّ عَائِشَةَ وَهِيَ مَغْلُوبَةٌ. قَالَتْ: أَخْشَى أَنْ يُثْنِيَ عَلَيَّ، فَقِيلَ: ابْنُ عَمِّ رَسُولِ اللَّهِ ﷺ وَمِنْ وَجْهِ الْمُسْلِمِينَ قَالَتْ: ائْذُنُوا لَهُ؟ فَقَالَ: كَيْفَ تَجِدِينَكَ؟ قَالَتْ: بِخَيْرٍ إِنْ اتَّقَيْتُ. قَالَ: فَأَنْتِ بِخَيْرٍ إِنْ شَاءَ اللَّهُ تَعَالَى.

<sup>18</sup> صحیح بخاری۔ کتاب: نکاح، باب: عورتوں کا حسد اور تلاش، 5/2004، حدیث: 4930؛ صحیح مسلم، کتاب: فضائل صحابہ، باب: فضائل عائشہ، 4/1890، حدیث: 2439؛ صحیح ابن حبان، 16/49، حدیث: 7112؛

مسند احمد بن حنبل، 6/61، حدیث: 24363۔

<sup>19</sup> صحیح بخاری، کتاب: نکاح، باب: عورت کا حبشیوں اور دوسروں کو شک کے بغیر دیکھنا، 5/2006، حدیث: 4938؛ صحیح مسلم، کتاب: عید کی نماز، باب: بغیر اجازت کھیلنا، 2/608، حدیث: 19

892؛ سنن نسائی، کتاب: عید کی نماز، 3/195، حدیث: 1595؛ مسند احمد ابن حنبل، 6/85، حدیث: 24596؛ امام طبرانی، معجم الکبیر، 23/179، حدیث: 282۔

<sup>20</sup> صحیح بخاری، کتاب: جنازہ، 1/486، حدیث: 1323؛ صحیح مسلم، کتاب: فضائل صحابہ، باب: حضرت عائشہؓ کے فضائل، 4/1893، حدیث: 2443۔

<sup>21</sup> صحیح بخاری، کتاب: مناقب، باب: قریش کے فضائل، 3/1291، حدیث: 3314۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

زَوْجَةُ رَسُولِ اللَّهِ ﷺ وَلَمْ يَنْكِحْ بَكَرًا غَيْرَكَ وَنَزَلَ عَذْرُكَ مِنَ السَّمَاءِ. وَدَخَلَ ابْنُ الزُّبَيْرِ خِلَافَهُ فَقَالَتْ: دَخَلَ ابْنُ عَبَّاسٍ فَأَثْنَى عَلَيَّ وَوَدِدْتُ أَنِّي كُنْتُ نَسِيًا مَنَسِيًّا.

”امام ابن ابی ملیکہ اے بیان چہ حضرت عبداللہ بن عباسؓ ای حضرت عائشہؓ جی (گوڑہ) اڑوڑ ایونے اجازہ لکھاؤ اسہ وخ دہ سہ (حضرت عائشہؓ) زنکدرے حالت داسی۔ سہ سو رجیگی: مؤں بجومس چہ ییس می تکیار تھو۔ حاضریئج رجیگہ: ییہ تو نبی علیہ السلام اے پچے پُچ آں بڑہ جشیئرہ مسلمانو مجانو۔ سہ سو رجیگی: شو ترے سیٹوڑ اجازہ دیا۔ حضرت عبداللہ بن عباسؓ اڑوڑ آلو آں ابی کھوجاؤ: خھو کدانت؟ سہ سو (حضرت عائشہؓ) جواب دیگی: اگر پریزگارنس تو بہترین۔ سہ سی رجاؤ: ان شاء اللہ بہتر بو ترے چہ خھو نبی علیہ السلام اے زوجہ مطہرہ نت، آن بیل خھو جی سیٹا (حضور ﷺ) مٹی کوئے گہ پھوئی (دوشیزہ) سے نکاح نہ تھیگان، آن خھے براءت آسمانجی نازل بلس۔ سیٹو جی پتو عبداللہ بن زبیرؓ اڑوڑ آلو تو سہ سو (حضرت عائشہؓ) ارشاد تھیگی: عبداللہ بن عباس آلاس، سیس می تعریف تھینس آں مؤس آلکھمسس چہ افسوس! مؤں گمنام بلس بیل تو“<sup>22</sup>۔

■ عَنْ مُوسَى بْنِ طَلْحَةَ، قَالَ: مَا رَأَيْتُ أَحَدًا أَفْصَحَ مِنْ عَائِشَةَ.

”حضرت موسیٰ بن طلحہ سہ بیان تھین چہ مون حضرت عائشہؓ جی بسکو کوئے گہ فصیح نہ پشاشن<sup>23</sup>“ [آ حدیث امام ترمذی گہ امام حاکم ای روایت تھیگان]۔

■ عَنْ أَنَسٍ: أَنَّ جَارَ الرَّسُولِ ﷺ فَارِسِيًّا كَانَ طَيْبَ الْمَرْقِ فَصَنَعَ لِرَسُولِ اللَّهِ ﷺ، ثُمَّ جَاءَ يَدْعُوهُ، فَقَالَ: وَهَذِهِ لِعَائِشَةَ فَقَالَ: لَا فَقَالَ رَسُولُ اللَّهِ ﷺ: لَا، فَعَادَ يَدْعُوهُ، فَقَالَ رَسُولُ اللَّهِ ﷺ: وَهَذِهِ قَالَ: لَا، قَالَ رَسُولُ اللَّهِ ﷺ: لَا، ثُمَّ عَادَ يَدْعُوهُ، فَقَالَ رَسُولُ اللَّهِ ﷺ: وَهَذِهِ، قَالَ: نَعَمْ، فِي الثَّالِثَةِ، فَقَامَ يَتَدَاوَعَانِ حَتَّى آتَيَا مَنْزِلَهُ.

حضرت انسؓ سہ بیان تھین چہ نبی علیہ السلام اے ایک فارسی گاؤنڈی سہ لئی مڑنی جولی بدیسو، ایک چھک سہ سی نبی علیہ السلام ٹوڑ جولی بداؤ، ترے نبی علیہ السلام ٹوڑ دعوت دون حاضر بلو تو نبی علیہ السلام ای ارشاد تھیگہ: ییہ گہ یعنی حضرت عائشہؓ (گہ مون سے ساتی مدعو نی یا نیس)، تو سہ سی رجاؤ: نیس، آگئی نبی علیہ السلام ای دعوت جی نیس تھیگہ۔ اسہ مٹئی پھری نبی علیہ السلام ٹوڑ دعوت داؤ۔ نبی علیہ السلام ای

<sup>22</sup> صحیح بخاری، کتاب: التثییر، 1779/4، حدیث: 4476۔

<sup>23</sup> سنن ترمذی، کتاب: مناقب رسول ﷺ، باب: فضل عائشہ، 705/5، حدیث: 3884 مستدرک حاکم، 4/12، حدیث: 6735؛ امام امام طبرانی، معجم الکبیر، 23/182؛ ذہبی، سیار اعلام النبلاء، 2/191؛ احمد بن حنبل، فضائل صحابہ، 2/876، حدیث: 1646؛ تہذیبی، مجمع الزوائد، 9/243



## ام المؤمنین حضرت سیدہ عائشہ صدیقہ رضی اللہ تعالیٰ عنہا

کھوجاؤ: یہ گہ۔ سو مشئی رجاؤ اوں یہ گہ۔ تے بیٹے (حضور ﷺ گہ عائشہ) ایک مٹے بت پیسے اُتہلہ آں اسہ مُشا اے گوشتھہ گیئے<sup>24</sup>۔

■ عَنْ عَائِشَةَ رَضِيَ اللَّهُ عَنْهَا فِي رِوَايَةٍ طَوِيلَةٍ: أَنَّ رَسُولَ اللَّهِ ﷺ قَالَ لِفَاطِمَةَ: إِنَّهَا (أَيَّ عَائِشَةَ) حَبَّةُ أُبَيْكَ وَرَبِّ الْكَعْبَةِ... الحديث.

” حضرت عائشہ رضی اللہ عنہا سہ ایک رُگئی حدیث دہ روایت تہینئ چہ نبی علیہ السلام ای تومن دی حضرت فاطمہؓ تڑ رجیگہ: رب کعبہ اے سگان! بے شک عائشہؓ تھوئے مالوڑ لئی گھٹ جدالین<sup>25</sup>۔

■ عَنْ أُمِّ ذَرَّةَ وَكَانَتْ تَغْشِي عَائِشَةَ، قَالَتْ: بَعَثَ ابْنُ الزُّبَيْرِ إِلَيْهَا بِمَالٍ فِي غَرَارَتَيْنِ ثَمَانِينَ أَوْ مِائَةَ أَلْفٍ فَدَعَتْ بِطَبْقٍ وَهِيَ يَوْمَئِذٍ صَائِمَةٌ فَجَلَسْتُ تَقْسِمُ بَيْنَ النَّاسِ فَأُمِسْتُ وَمَا عِنْدَهَا مِنْ ذَلِكَ دِرْهَمٌ فَلَمَّا أُمِسْتُ، قَالَتْ: يَا جَارِيَةُ، هَلْبِي فُطْرِي فَجَاءَ تَهَا بِخُبْزٍ وَزَيْتٍ، فَقَالَتْ لَهَا أُمُّ ذَرَّةَ: أَمَا اسْتَطَعْتَ مِمَّا قَسَمْتَ الْيَوْمَ أَنْ تَشْتَرِي لَنَا لَحْمًا بِدِرْهَمٍ نَفْطُرُ عَلَيْهِ، قَالَتْ: لَا تُعْرِيفِي، لَوْ كُنْتُ ذَكَرْتُ نَبِيَّ لَفَعَلْتُ.

”امّ ذرہ کھاں حضرت عائشہ رضی اللہ عنہا اے دُمس، بیان تہینئ چہ ایک چوٹ حضرت عبداللہ بن زبیرؓ ای دُو کونھو مجی سیٹور (حضرت عائشہؓ تڑ) چریوڑر یا ایک لکھ مالیتے مال چھٹیاؤ، سیٹا (مال بدونے کریا) ایک کوٹھائی اٹیگی آں سہ اسہ چھک روزہ سی، اسہ مال جگو مجی بگونے کریا سہ بیٹی، بیلاڑ بُحیش اسہ مالجی سیٹو دی ایک درہم گہ نہ پھت بلو، کرہ بیلگوں بلی تو سیٹا رجیگہ: وو ملئی! می کریا روزہ پھوٹون جو اٹہ، سہ ملئی ایک ٹکی آں اپو ہو گی اٹے حاضر بلی، تے امّ ذرہ او رجیگی خھا کھاں مال بگیت اسس مجی اسے کریا ایک درہم اے موس ملئی نہ اثباست، کھاں گئی اش بیس افطاری تھوڑ بیل، حضرت عائشہ رضی اللہ عنہا او رجیگی: چیئے موں سے ادو لہجہ دہ موٹ نہ تہہ اگر اسہ وخ دہ تھو موں کائی تھیگی بیل تو ایل موں ادا تھوہام بیل<sup>26</sup>۔

■ عَنْ عَائِشَةَ: أَنَّهَا قَالَتْ: لَمَّا رَأَيْتُ مِنَ النَّبِيِّ ﷺ طَيْبَ نَفْسٍ قُلْتُ: يَا رَسُولَ اللَّهِ، ادْعُ اللَّهَ لِي، فَقَالَ: اللَّهُمَّ، اغْفِرْ لِعَائِشَةَ مَا تَقَدَّمَ مِنْ ذَنْبِهَا وَمَا تَأَخَّرَ مَا أَسْرَتْ وَمَا أَعْلَنْتَ فَضَحِكْتُ عَائِشَةَ حَتَّى سَقَطَ رَأْسُهَا فِي جِرْهًا مِنَ الضَّحْكِ، قَالَ لَهَا رَسُولُ اللَّهِ ﷺ: أَيْسُرُكِ دُعَائِي، فَقَالَتْ: وَمَا لِي لَا يَسُرُّنِي دُعَاؤُكَ، فَقَالَ ﷺ: وَاللَّهِ، إِنَّهَا لَدُعَائِي لِأُمِّي فِي كُلِّ صَلَاةٍ. رَوَاهُ ابْنُ جَبَانَ وَالْحَاكِمُ وَابْنُ أَبِي شَيْبَةَ.

” حضرت عائشہ رضی اللہ عنہا سہ بیان تہینئ چہ کرہ موں نبی علیہ السلام خوشگوار حالت دہ پیشیس تو موں عرض تھیس: یا رسول اللہ! اللہ تعالیٰ تڑ می حق دہ دُعا تھیا، تو نبی علیہ السلام ای رجیگہ: وو اللہ! عائشہؓ اے میچھنہ پتنہ، خرگن گہ چپ، تمام چھائے (گناہ) بشگہ (ادا حضور ﷺ ای باجی گئی رجیگہ) آ شٹی حضرت عائشہؓ لئی

<sup>24</sup> صحیح مسلم، کتاب: مشروبات، باب: بیروی کا کھانا، 3/1609، حدیث: 2037؛ احمد بن حنبل، المسند، 3/123، حدیث: 12265۔

<sup>25</sup> امام ابوداؤد، سنن ابوداؤد، کتاب: الادب، 4/274، حدیث: 4898؛ بیہقی، مجمع الزوائد، 4/322۔

<sup>26</sup> ابونعیم، حلیۃ الاولیاء، 2/47؛ ہناد، الزہد، 1/337، 338؛ ذہبی، سیر عالم النبلاء، 2/187؛ ابن سعد، طبقات الکبریٰ، 8/67۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

گھڻ ٻڌي ادي بُجڻيش ڇه سيٽي ششس نبي عليه السلام اڻي مُوڻي ده وڙي دتو، آ گڻي نبي عليه السلام اڻي رجيجه: مي دُعا تُوڙ مِشٽي ليل، ٻلي يا؟۔ سه سو رجيجي: آ کاتھ بوباني ڇه خهه دُعا موڙ مِشٽي نه ليل بي، تره نبي عليه السلام اڻي ارشاد تهيجه: خودي سگان! به شڪ بر نماز ده مي آ دُعا مي اُمتي ڪريا خاصن“<sup>27</sup>۔

▪ عَنْ عَبْدِ اللَّهِ بْنِ الزُّبَيْرِ، قَالَ: مَا رَأَيْتُ امْرَأَتَيْنِ أَجُودَ مِنْ عَائِشَةَ وَأَسْمَاءَ وَجُودَهُمَا مَخْتَلِفٌ: أَمَّا عَائِشَةُ، فَكَانَتْ تَجْمَعُ الشَّيْءَ إِلَى الشَّيْءِ حَتَّى إِذَا كَانَ اجْتِمَاعٌ عِنْدَهَا قَسَمَتْ وَأَمَّا أَسْمَاءُ فَكَانَتْ لَا تُنْسِكُ شَيْئًا لَعَدٍ. رَوَاهُ الْبُخَارِيُّ فِي الْأَدَبِ.

”حضرت عبدالله بن زبيرؓ سه بيان تهينن ڇه مون حضرت عائشهؓ ڪه حضرت اسماءؓ جي بسڪو سخا تهى چيئي ڪوئي ڪه نه پشاسن، آن بيدبون سخاتوب ده فرقن، ڇه حضرت عائشهؓ سه اپو اپو خيز ٽول تهيسي آن ڪره بسڪلي تو ته اسه (غريب غرو مجي) بگي ڏيسي، آن حضرت اسماءؓ سه اڪو دي ڏونجهاڪي ڪريا جوڪ ڪه خيز چهوري نه پهتيسي“<sup>28</sup>۔

تابعى عروه سه بيان تهينو مون جگو مجي حضرت عائشهؓ جي بسڪو قرآن ڪه فرائض لجهون، حلال حرام سيون، عربو موڙس ڪال ڪه نسبي ڪوئي ڪه ٻڙو عالم ڪه نه پشاسن“<sup>29</sup>۔

ابوموسى اشعريؓ سه رزانو به اصحاب رسولو ڪريا ڪره ڪه ڪوئي حديث گران ٻلي يا جو مسئله نه لجهبالس ٻلو تو ئيس حضرت عائشهؓ جي اسه بارڊ ڪهجوئس آن اسوڙ حديثي صحيح مفهوم ڪه صحيح علم بشيسو۔

تابعى عطاء بن ابى الرباح سه بيان تهينو ڇه حضرت عائشهؓ بڻه جگو مجي لئي ٻڙي فقيهي آن بڻو جگوجي بسڪي لجهيڪس، آن تمام جگو مجي عام معاملاتو بسڪي، مِشٽي ڪه صحيح رئي ڏيڪس“<sup>30</sup>۔

تابعى امام زبيري سه بيان تهينو ڇه رسول الله صلى الله عليه وسلم اڻي ارشاد تهيجه: ”اگر آ اُمتي تمام تورسري ڪهائيو مجي اُمهاٽ المؤمنين ڪه ٿلن، اگر سيٽي علم ٽول تهجلو تو حضرت عائشهؓ اڻي علم اسه بڻيو جي بسڪن“<sup>31</sup>۔

<sup>27</sup> ابن حبان، صحيح ابن حبان، 48/6، حديث: 7111؛ متدرک الحاکم، 13/4، حديث: 6738؛ ابن ابی شيبه، المصنف، 6/390، حديث: 32285؛ ديلمي، مسند الفردوس، 1/498، حديث: 2032؛ ذهبي، سيار <sup>28</sup> اعلام النبلاء، 2/145؛ بشبي، مجمع المسلمين، 9/243

<sup>28</sup> البخاري، الادب المفرد، 1/106، حديث: 286؛ امام عبد الرحمن ابن جوزي، صفوت الصقوي، 2/58، 59۔

<sup>29</sup> امام ابن جوزي، صفه الصقوة، جلد 2، ص: 32؛ امام ابو نعيم الصبهي: حليه الاولياء وطبقات الاصفياء، جلد 2، ص: 49، 50۔

<sup>30</sup> امام الحاکم، متدرک علی الصچين، جلد 4، ص: 15، حديث: 6748؛ امام الحافظ ذهبي، سير اعلام النبلاء، جلد 2، ص: 185۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

حضرت انس رضی اللہ عنہ سے رزانو مؤن نبی علیہ السلام آرزو نہ شُئُونَسْ چہ: ”عائشہ اُمّے فضیلت بُئِی چِئو مجی ادئی نی کاتہ بُئِی خورکو مجی ثرید اُمّے فضیلتین“<sup>32۴</sup>۔

امام بیہمی سے رزانو آ حدیث اُمّے تمام رجال صِقَان<sup>33</sup>۔ حضرت قاسم بن محمد بن ابی بکر سے رزانو امیر معاویہ رضی اللہ عنہ ائی رجاؤ: ”مؤن کوئے گہ خطیب حضرت عائشہ رضی اللہ عنہا جی بسکو بلاغت گہ فطانت دہ نہ پشاسن“<sup>34</sup>۔

حضرت عائشہ رضی اللہ عنہا اُمّے چچیلی: حضرت عائشہؓ او حضرت وائل اُمّے جماتے دُت پیگس، وائل اُمّے کُنیت ابولفقیس سِس، سیدہ عائشہؓ اُمّے رضاعی پچی گہ رضاعی ژاروئے کرہ کرہ سیٹودی بش بون اینس<sup>35</sup>۔

حضرت عائشہ رضی اللہ عنہا جی روایتن چہ کوئیک مُشا سے حضرت حفصہ رضی اللہ عنہا اُمّے گوژ اژوڑ آیونے اجازہ لکھیسو، تو نبی علیہ السلام ائی ارشاد تھیگہ می قیس فلثکے مُشانو کھاں حفصہ (رضی اللہ عنہا) اُمّے رضاعی پچیسو۔ حضرت عائشہ رضی اللہ عنہا او عرض تھیگنی یا رسول اللہ اگر فلثکے مُشا (می رضاعی پچی) جودو بلو بیل تو می گوژہ آئے باسو؟ نبی علیہ السلام ائی ارشاد تھیگہ: اوں، رضاعت گئی تہ گہ اسدئی حرمت ثابت یینی کھاتہ ولادتے حرمت یینی<sup>36</sup>۔

تعلیم گہ تربیت: چئی قامے تعلیم گہ تربیتے کریا حضرت عائشہ رضی اللہ عنہا اُمّے طرفجی جمعہ مجی ایک دیس موقرُوس۔ اسہ دیزہ سِئس چِئوڑ دینے تعلیم دیسی<sup>37</sup>۔ حضرت عائشہ رضی اللہ عنہا برے مثال عالمہ، فقیہہ گہ فاضلہ سی، اسوئہ حسنہ اخرت بُجیش چئی قامے کریا چلے ایک توژون، امت مسلمہ اُمّے چئی قام سے حضرت سیدہ عائشہ رضی اللہ عنہا اُمّے تعلیماتجی عمل تھے دین دنیے دہ کامیاب بوبائن، سے سو تومی بُئِی جوڈن دہ چئے گہ مُشو مجی اسلام گہ اسلامے احکام گہ قوانین آں اسہ سے عادات گہ اخلاقے تعلیم دون مجی لگیگن، حضرت عائشہ رضی اللہ عنہا صرف مستند احادیثو روای ناسی بلکہ سے ایک بڑی فقیہہ، مفسرہ گہ مجتہدہ گہ اسلی آں چئے قام مجی بُئجی بڑی فقیہہ گنجی گہ تسلیم تہجاسی۔

<sup>31</sup> ابن امام حافظ ذہبی: سیر اعلام النبلاء، جلد 2، ص: 185؛ امام ابن حجر عسقلانی، تہذیب التہذیب، جلد 12، ص: 463؛ امام طبرانی: معجم الکبیر، جلد 23، ص: 184، حدیث: 299۔

امام بیہمی: مجمع الزوائد، جلد 9، ص: 243۔ جوزی، صفۃ الصفوة، جلد 2، ص: 33؛

بخاری شریف، جلد 1، ص: 532؛ زیر منصوری ہیرت ام المؤمنین حضرت عائشہؓ، ص: 10۔

<sup>33</sup> امام بیہمی، مجمع الزوائد، جلد 9، ص: 243۔

<sup>34</sup> امام طبرانی، معجم الکبیر، جلد 23، ص: 184، حدیث: 299؛ امام بیہمی: مجمع الزوائد، جلد 9، ص: 243۔ عاصم، الآحاد والثنائی، جلد 5،

<sup>35</sup> صحیح بخاری، جلد 1، ص: 361؛ سید سلیمان ندوی، ہیرت حضرت عائشہؓ، ص: 21۔

<sup>36</sup> مختصر صحیح مسلم، حدیث: 874۔

<sup>37</sup> صحیح بخاری، کتاب العلم؛ سید سلیمان ندوی، ہیرت حضرت عائشہؓ، ص: 33۔



## اُمُ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

**ازواجِ مطہراتو وظائف:** غزوہ خیبر جی پتو نبی علیہ السلام ائی تومئی ازواجِ مطہراتو کالو سرے مصارفے کریا وظائف موقرڑ تھیگہ۔ ہر جمات ۸۰ وسق خُرمآں ۲۰ وسق یو ائے اُون موقرڑ تھیگاس<sup>38</sup> مگر ازواجِ مطہرات سہ صدقات گہ خائرات دون مجی بت نہ پینس آوجہ گئی کالو سرے خرخ اخسر مُچھو بڑیجاسو۔

**خانگی انتظام:** حضرت بلال رضی اللہ عنہ ۸۰ آعزاز حاصلس چہ سہ نبی علیہ السلام ائے خانگی انتظام مجی موقرڑس۔ حضرت بلال رضی اللہ عنہ سہ کالو سرے اُون ازواجِ مطہراتو مجی بگیے پھتیسو۔ ازواج سہ اسہ اُون اخسر صدقہ گہ خائرات تھینس، کھاں دیز حضور ﷺ وفات بلہ تو اسہ چھک عائشہ رضی اللہ عنہا ائے گوڑہ ایک دیزے گہ خرخ ناسو<sup>39</sup>۔

**نقد وظائف:** حضرت عمر رضی اللہ عنہ ائی تومو وخ دہ ۸ ازواجِ مطہراتو کریا کالو سرے دائرے دائرے زر درہم وظائف موقرڑ تھاسو اُن عائشہ رضی اللہ عنہا ائے کریا بائے زر درہم موقرڑس<sup>40</sup>۔

**اجتہادی مقام:** فقہی مسائلو بارد حضرت عائشہ رضی اللہ عنہا ائے لو بڑو مقامن۔ احادیثو مجی ادیثے حدیثو تصحیح تھیگن کھائیٹو مجی ابہائس یا روایت تام شان گئی نقل نہ تھجیس یا اصل بیان نظر انداز تھجیس، اسٹو مجی حضرت عائشہ رضی اللہ عنہا او تصحیح تھیگن اُن احادیثو مجی حضرت عائشہ رضی اللہ عنہا ائے قول مستند منیجانو۔ مثلاً ایک حدیث دہ مجی رزجلن چہ: ”نبی علیہ السلام سہ لیچے پھجیئے موس لو کھوش تھینس“۔ حضرت عائشہ رضی اللہ عنہا او آسے تصحیح تھے رجیگی: پھجیئے موس فی نفسہ کھوش ناسو مگر موس آئے سو چہ موس کرہ کرہ ہر چھک نہ ہشیسو، پھجیئے موس رجون دہ جنی رجانو، آگئی نبی علیہ السلام سہ کھوش تھینس<sup>41</sup>۔

فقہی مسائلو بارد حضرت عائشہ رضی اللہ عنہا ائے ایک بڑو ذخیرہ ہشینو کھاں سہ بسکو باگو (حصہ) امام مالک ائے موطا امام مالک دہ محفوظ تھیلن کھاں حدیث گہ فقہ ائے بنیادن کلیجانی<sup>42</sup>۔

حضرت ابوسلمہ رضی اللہ عنہ بن عبدالرحمن بن عوف سہ بیان تھینو چہ: ”مون نبی علیہ السلام ائے سنتہ پروجیئے گہ صحیح رئی پکار بلی تو سیٹو (حضرت عائشہ رضی اللہ عنہا) جی بسکو فقیہہ گہ آیاتو شان نزول اُن فرائضو جی پروجیک حضرت عائشہ رضی اللہ عنہا جی بسکو کوئے گہ نہ پشائسن“ (زرقانی)۔

<sup>38</sup> مسند احمد، جلد 6، ص: 217، 237، طرابلسی، ص: 207؛ سید سلیمان ندوی، سیرت حضرت عائشہ رضی اللہ عنہا، ص: 40۔

<sup>39</sup> ترمذی، ص: 407۔

<sup>40</sup> مستدرک الحاکم، باب ذکر عائشہ رضی اللہ عنہا۔

<sup>41</sup> شمائل ترمذی؛ سید سلیمان ندوی، سیرت حضرت عائشہ رضی اللہ عنہا، ص: 173۔

<sup>42</sup> سید سلیمان ندوی، سیرت حضرت عائشہ رضی اللہ عنہا، ص: 189۔

## اُمُ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

علامہ ابن حزم اندلسیؒ سے رزانو چہ صحابہ رضی اللہ عنہم مجی کھائیٹوجی لا گھٹ فتوائے منقولن سیٹو مجی حضرت عائشہؓ، حضرت عمرؓ، حضرت عبداللہ بن عمرؓ، حضرت علیؓ، عبداللہ بن عباسؓ، عبداللہ بن مسعودؓ آن زید بن ثابتؓ ٹلن۔ آ اسہ صحابیآن چہ سیٹو مجی ہر ایک صحابی فتوائے ٹول تہجلہ تو ایک ضخیم کتاب الفتاویٰ سنجبانی<sup>43</sup>۔

علمی اثاثہ: علماء، مفسرین، محدثین گہ محققین سہ رزنن دین اسلام اے چرموگو باگو علمی اثاثہ صرف حضرت عائشہؓ اے ذریعہ گئی اُمت بُجیش اُچھائُن<sup>44</sup>۔

علم حدیث: علم حدیث دہ ابوہریرہؓ اے روایاتُج پتو بُتُج بسکی حدیثو روایت حضرت عائشہؓ جی روایت بلیانی۔ سیٹوڑ آ اعزاز گہ بنو چہ یہ رسول اللہ ﷺ گہ خلفاء راشدینو وختے شاہد گہ ہئی، آن اُمیہ خلافت اے ستائیں کال گہ پشیگیس۔

روایت تہیلئی احادیث: حضرت عائشہؓ جی 2210 احادیث روایتن۔ 174 متفق علیہ احادیث صحیح بخاری گہ صحیح مسلم دہ سنداً روایت بلیانی۔

عُملو تحقیق گئی آ ثابت بلن چہ صرف مسند احمد بن حنبل دہ حضرت عائشہؓ اے روایت تہیلئی حدیثو تعداد 2524 نی آن صحاح ستہ دہ مکرر روایات حذف نہ تہجن تو حضرت عائشہؓ اے روایت تہیلئی حدیثو تعداد آ سنجبانی:

1. صحیح بخاری: 960 احادیث؛
2. صحیح مسلم: 761 احادیث؛
3. سنن ابوداؤد: 485 احادیث؛
4. سنن نسائی: 690 احادیث؛
5. سنن ترمذی: 535 احادیث؛
6. سنن ابن ماجہ: 411 احادیث؛
7. موطاء امام مالک: 141 احادیث؛

<sup>43</sup> علامہ ابن حزم اندلی، الاحکام فی اصول الاحکام، جلد 5، ص: 92۔

<sup>44</sup> جمیل احمد نقوی، مسند حضرت عائشہؓ، ص: 10۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

8. مشکوٰۃ المصابیح: 553 (آحادیثو مجموعہ صحیح بخاری گہ صحیح مسلم جی اخذن آ گئی  
إشمار نہ بلیانی)؛

9. سنن الدارمی: 200 احادیث؛

10. مسند احمد بن حنبل: 2524 احادیث؛

11. موطاء امام محمد: 80 احادیث؛

آٹھ صحاح ستہ سے ساتی موطاء امام مالک اے روایات جمع تہجن تو روایاتو تعداد 3983 سنیجانی۔

### ست مشہور راویانو ایک جدول<sup>45</sup>

نمبر	نوم	مرویات
1	حضرت ابو ہریرہ <small>رضی اللہ عنہ</small>	5364
2	حضرت انس بن مالک <small>رضی اللہ عنہ</small>	2686
3	حضرت عبداللہ ابن عباس <small>رضی اللہ عنہ</small>	2660
4	حضرت عبداللہ ابن عمر <small>رضی اللہ عنہ</small>	2630
5	حضرت جابر <small>رضی اللہ عنہ</small>	2540
6	حضرت ابو سعید <small>رضی اللہ عنہ</small>	2270
7	حضرت عائشہ <small>رضی اللہ عنہا</small>	2210

تلازمہ: حضرت عائشہ رضی اللہ عنہا جی احادیث روایت تھین تلامذہ دہ ٹل بڑی تعداد مجی مشہور حضراتو نومی<sup>46</sup>:

ابراہیم بن یزید النخعی (مرسلاً)، ابراہیم بن یزید التمیمی، اسحاق بن طلحہ، اسحاق بن عمر، الاسود بن یزید، ایمن المکی، ثمامہ بن حزن، جبیر بن نفیر، جُمیع بن عمیر، الحارث بن عبد اللہ بن ابی ربیع ہ المنزومی،

<sup>45</sup> جمیل نقوی، مسند حضرت عائشہؓ، ص: 46۔

<sup>46</sup> امام ابو داؤد، سنن ابو داؤد، کتاب الادب۔



## أُمُ الْمُؤْمِنِينَ حَضْرَت سَيِّدَةُ عَائِشَةُ صَدِيقَةُ رَضِيَ اللَّهُ تَعَالَى عَنْهَا

الحارث بن نوفل، حسن ابن علي، حمزه بن عبد الله بن عمر، خالد بن سعيد، خالد بن معدان، خباب، خبيب بن عبد الله بن الزبير، خلاص الهجري، خيار بن سلمه، خيثمه بن عبد الرحمن، ذكوان السمان، مولى ذكوان، ربيع ه الجرشى، زاذان ابو عمر الكندى، زُراره بن اوفى، زَر بن حُبَيْش، زيد بن اسلم، سالم بن ابى الجعد، زيد بن خالد الجُهْنى، سالم بن عبد الله، سالم سبلان، سائب بن يزيد، سعد بن هشام، سعيد المَقْبَرى، سعيد بن العاص، سعيد بن مسيب، سليمان بن يسار، سليمان بن بريده، شريح بن ارطاه، شريح بن هانى، شريق الهوزنى، شقيق ابو وائل، شهر بن حوشب، صالح بن ربيع ه بن الهدير، صعصعه، طاوؤس، طلح ه بن عبد الله التيمى، عابس بن ربيعه، عاصم بن حميد السكونى، عامر بن سعد، الشعبي، عباد بن عبد الله بن الزبير، عباد ه بن الوليد، عبد الله بن بريده، ابوالوليد عبد الله بن الحارث البصرى، عبد الله ابن الزبير، عرو ه ابن الزبير، عبد الله بن شداد الليثى، عبد الله بن شقيق، عبد الله بن شهاب الخولانى، عبد الله بن عامر بن ربيعه، عبد الله ابن عمر، عبد الله ابن عباس، عبد الله بن فروخ، عبد الله بن ابى مُلَيْكَة، عبد الله بن عبيد ابن عمير، ابن عمير، عبد الله بن حكيم، عبد الله بن ابى قيس، عبد الله و القاسم، ابنا محمد، عبد الله بن ابى عتيق محمد، عبد الرحمن بن ابى عتيق، عبد الله بن واقد العمرى، عبد الله بن يزيد، عبد الله البهى، عبد الرحمن بن الاسود، عبد الرحمن بن الحارث بن هشام، عبد الرحمن بن سعيد بن وبب الهمدانى، عبد الرحمن بن شُماشه، عبد الرحمن بن عبد الله بن سابط الجُمَحى، عبد العزيز، والد ابن جُريج، عبيد الله بن عبد الله، عبيد الله بن عياض، عرو ه المزنى، عطاء بن ابى رباح، عطاء ابن يسار، عكرمه، علقمه، علقمه بن وقاص، على بن الحسين بن على بن ابى طالب، عمرو بن سعيد الاشدق، عمرو بن شرحبيل، عمرو بن غالب، عمرو ابن ميمون، عمران بن حطان، عوف بن الحارث، عياض ابن عروه، عيسى بن طلحه، غُضَيْف بن الحارث، فروه بن نوفل، القعقاع بن حكيم، قيس بن ابى حازم، كثير بن عبيد الكوفى، كُريب، مالك بن ابى عامر، مجاهد، محمد بن ابراهيم التيمى، محمد بن الاشعث، محمد بن زياد الجُمَحى، ابن سيرين، محمد بن عبد الرحمن بن الحارث بن هشام، ابوجعفر محمد الباقر، محمد بن قيس بن مخرمه، محمد بن المنتشر، محمد ابن المنكدر، مروان العقيلى ابولبابه، مسروق، مصدع ابو يحيى، مُطَرَف بن الشَّخِير، مِقْسَم، مولى ابن عباس، المطلب بن عبد الله بن حنطب، مكحول شامى، موسى بن طلحه، ميمون بن ابى شبيب، ميمون بن مهران، نافع بن جُبَيْر، نافع ابن عطاء، نافع العمرى، نعمان بن بشير، بهام بن الحارث، بلال ابن يساف، يحيى بن الجزار، يحيى بن عبد الرحمن بن حاطب، يحيى بن يعمر، يزيد بن بابنوس، يزيد بن الشَّخِير، يعلّى بن عقبه، يوسف بن ماهك، ابوامام ه بن سهل، ابورد ه بن ابى موسى، ابوبكر بن عبد الرحمن بن الحارث، ابوالجوزاء الربعى، ابو حذيفه الارحبى، ابو حفصه، ابو الزبير المكى، ابو سلمه بن عبد الرحمن، ابو الشعشاء المحاربى، ابو الصديق الناجى، ابو ظبيان الجنبى، ابو العاليه رُفَيْع الرياحى،

## ام المؤمنین حضرت سیدہ عائشہ صدیقہ رضی اللہ تعالیٰ عنہا

ابوعبداللہ الجدلی، ابو عبیدہ بن عبد اللہ بن مسعود، ابوعثمان النہدی، ابو عطیہ الوادعی، ابو قلابہ الجرمی، ابو الملیح الہذلی، ابو موسیٰ الاشعری، ابو ہریرہ، ابو نوفل بن ابی عقرب، ابو یونس مولیٰ عائشہ، بُہیہ، مولاہ الصدیق، جسرہ بنت دُجاجہ، ذفرہ بنت غالب، زینب بنت ابی سلمہ، زینب بنت نصر، زینب السہمیہ، سمیہ البصریہ، شُمیسہ العتکیہ، صفیہ بن شیبہ، صفیہ بنت ابی عبید، عائشہ بنت طلحہ، عمرہ بنت عبد الرحمن، مرجانہ، والدہ علقمہ بن ابی علقمہ، معاذہ العدویہ، ام کلثوم بنت ابی بکر، ام محمد۔

عبادت گہ خشیت: مؤرخین سے رزن حضرت عائشہ رضی اللہ عنہا سے خاختیو 8 رکعت نماز امختہ تہیسی<sup>47</sup>، خاختیو نماز دہ اخسر رگورخ بوجاسو<sup>48</sup>۔

روزہ: قاسم بن محمد بن ابی بکر گہ تابعی عروہ سے بیان تہینو چہ حضرت عائشہ رضی اللہ عنہا مسلسل روزہ پیسی صرف لیکھی گہ بڑی عیتر روزہ نہ پیاسی۔

تلاوت دہ رون: روایت تہین چہ کھاں وخ دہ حضرت عائشہ رضی اللہ عنہا سے سورہ الاحزاب اے 33 موگی آیات ”وَقُرْآنِ یُؤْتِکُنْ“ (ترجمہ: تومو گوڑہ یا) آیات رزاسی تو روئے روئے سیئرے خادر انچھوگی بلجاسی<sup>49</sup>۔

حج: حجۃ الوداع جی پتو 47 کال یعنی مرگ بُجیش سیٹوجی حج قضاء نہ بلس۔

سختاب: عروہ بن زبیر رضی اللہ عنہ سے رزانو: ”مؤ حضرت عائشہ رضی اللہ عنہا چویو گہ دائر زر درہم بگون دہ پشاسن ادئی حالت دہ چہ سے ٹپی دیلی قمص داسی<sup>50</sup>۔“

ہشام بن عروہ رضی اللہ عنہ سے تومو مالو جی روایت تہینو: ”حضرت عائشہ رضی اللہ عنہا او تومنی مال گہ اسباب ایک لکھ درہم مجی ملئی دے اسہ خودے پون دہ بگیگی آں اکے یوئے ٹکی گئی روزہ پھوٹیگی۔ خادمو عرض تھیگی: ”خھا آ کیہ نہ تہیت چہ آئیٹو مجی اپہ لا درہم بچ تہیت بیل تو ییس اسہ سے موس ملئی اٹون بیل خھوس گہ کھویت بیل آں ییس گہ کھوٹ بیل“۔ حضرت عائشہ رضی اللہ عنہا او جواب دیگی: ”تھو مؤں کائی کیہ نہ تھیگی نیٹی<sup>51</sup>۔“

<sup>47</sup> موطا امام مالک، کتاب قصر الصلوٰۃ، باب 11، باب صلاۃ اُمّی، امام احمد بن حنبل، مسند احمد، جلد 9، حدیث: 5386۔

<sup>48</sup> امام احمد بن حنبل، مسند احمد، مسند عائشہ، جلد 9، حدیث 4911۔

<sup>49</sup> محمد بن سعد، طبقات ابن سعد، جلد 2، ص: 55-70۔

<sup>50</sup> امام سیوطی، خصائص الکبریٰ، ترجمہ مفتی معین الدین، جلد 2، ص: 76؛ امام بن حنبل، زہد حضرت عائشہ، حدیث: 916، ص: 186۔

<sup>51</sup> امام جلال الدین سیوطی، خصائص الکبریٰ، ترجمہ مفتی غلام معین الدین نعیمی، جلد 2، ص: 83، 84۔

## اُمُّ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

**کِگنیار:** حضور ﷺ 12 ربیع الاول، 11 ہجری دہ حجرہ عائشہؓ دہ وفاتِ بلہ اسہ وخ دہ حضرت عائشہؓ ائے عُمَر 18 کالس۔ نبی علیہ السلام ائے وفات جی پتوعائشہؓ ائے 47 کال، 6 موس گہ 5 دیزی کِگنیار دہ لگتھاس۔

**جنگِ جمل:** جنگِ جمل یا جنگِ بصرہ 13 جمادی الاولیٰ 36 ہجری دہ بصرہ عراق دہ بلس۔ آئے جنگ حضور صلی اللہ علیہ وسلم ائے اُسکون پچے پچے، جمچو گہ چرموگو خلیفہ حضرت علیؓ گہ اُمُّ الْمُؤْمِنِينَ حضرت عائشہؓ، حضرت زبیرؓ گہ حضرت طلحہؓ مجی ایک غلط فہمی وجہ گئی بلس۔

حضرت عائشہؓ، حضرت زبیرؓ گہ حضرت طلحہؓ ائے مکہ جی بصرہ عراق تڑ بوجونے مقصد حضرت عثمانؓ ائے قاتلو گرفتاری گہ سزا آں حضرت معاویہؓ سے جنگ نہ تھونے مطالبائے کریا گیاس<sup>52</sup>۔

آ جنگ دہ حضرت علیؓ مخالف جگو مطالبہ سی چہ حضرت عثمانؓ ائے قاتلان گرفتار تھے سے سے لیلے (قتلے) بدل برن۔ آ جنگ دہ حضرت علیؓ برئی بلس<sup>53</sup> آں جنگ دہ بیدبئی لا گھٹ مسلمان شہید بلس۔ علماء، مفسرین، مجتہدین گہ محدثین سے جنگِ جمل دہ حضرت عائشہؓ، حضرت زبیرؓ گہ حضرت طلحہؓ ائے شرکت ایک تاریخی گہ اجتہادی چھا کلین کھاں سبجی حضرت عائشہؓ جودی ہنی شمار پیغمانس<sup>54</sup>۔

جنگِ جمل ایک مٹی بڑی جنگے سبب سنجس کھاں سڑ جنگ صفین تھین۔ آ جنگ 37 ہجری (جولائی 657ء) دہ چرموگو خلیفہ حضرت علیؓ گہ شام ائے گورنر حضرت معاویہؓ ابن ابوسفیانؓ مجی دریائے فرات ائے چپوڑ بلس کھانس دہ شامی فوج ائے 45000 آں چرموگو خلیفہ ائے فوج ائے 25000 مسلمانن مرجلاس۔ آ جنگے اصل گوٹ گہ جنگِ جمل ائے واقعات گہ اسبابس۔

**حضرت عائشہؓ ائے حجرہ (گوش):** حضور ﷺ نجوڑہ بلہ وخ دہ سیٹا تمام ازواجِ مطہرائجی اجازہ اٹیکہ چہ سے نجوڑیائی حالت دہ حضرت عائشہؓ ائے حجرہ دہ بین۔ آئے گئی بٹی ازواججی اجازہ دیگہ۔ اجدی حضور صلی اللہ علیہ وسلم ائے وفاتِ بلہ آں آج آئے حجرہ دہ سیٹے تدفینِ بلہ۔ حضرت عائشہؓ سے اخسر فخر گئی رزاسی چہ نبی آخرزمان ﷺ سیٹے موٹ دہ وفاتِ بلہ آں سیٹے حجرہ دہ تدفینِ بلہ۔ جودی ہنی شمار آج آ حجرائے دچھنی کھن دہ کِگنیارے عمر لگیگی۔ آ حجرہ دہ تومو قبرے کریا پھتیلی زائی حضرت عمر

<sup>52</sup> جمیل نقوی، مسند حضرت عائشہؓ، ص: 11، 10۔

<sup>53</sup> اُمہات المؤمنین، محمود میاں نجی، ص: 69۔

<sup>54</sup> جمیل نقوی، مسند حضرت عائشہؓ، ص: 37، 38؛ امام ذہبی، جلد 2، ص: 193۔

## ام المؤمنین حضرت سیدہ عائشہ صدیقہ رضی اللہ تعالیٰ عنہا

فاروق رضی اللہ عنہ اے تدفین اے کریا دیگی۔ حضرت عمر فاروق رضی اللہ عنہ اے تدفین جی پتو بیاکے حجرہ گہ قبور مبارکو مجی پڑدائے کریا کڑ دیگیس۔ تومی جوڈن دہ چوبیو گہ ست غولامی آزاد تھیگیس<sup>55</sup>۔

**امیر معاویہ سے مکالمہ:** تاریخ دہ رزنن ایک چوٹ امیر معاویہ رضی اللہ عنہ مدینہ ٹو آلو تو یہ حضرت عائشہ رضی اللہ عنہا دی بش بون گیاؤ۔ حضرت عائشہ رضی اللہ عنہا او رجیگی: خھو آتھ بیل بیلجی می گوٹھہ آلت، آبواسی چہ مونس کوئے چپ تھے چوکو تھم آن تو آیون گہ سینس تھوئے شش قلم تھی نیل۔ معاویہ رضی اللہ عنہ ای رجاؤ: آامنے زائی نی، ادی خھوس آ نہ تھوبانت، نبی علیہ السلام ای رجیگان چہ: ایمان ناخاپی مرگے زھنزیرن۔ تے کھوجاؤ می سلک خھوسے کدئی نی؟ حضرت عائشہ رضی اللہ عنہا او رجیگی: مٹٹن۔ امیر معاویہ رضی اللہ عنہ ای رجاؤ: تے می گہ سیٹے (بنو ہاشم) معاملہ پھتیا، آ اللہ دی لچھجوا<sup>56</sup>۔

**نحوڑتیا:** حضرت عائشہ رضی اللہ عنہا، حضور صلی اللہ علیہ وسلم اے وفات جی پتو 47 کال بُجیش حیاتس۔ امیر معاویہ رضی اللہ عنہ اے اخری کال، حضرت عائشہ رضی اللہ عنہا اے گہ اخری کالس۔ 67 کالو عمر دہ اپہ دیزی نحوڑتیا بلی، شدیڑ آلہ کجی کھوجیگہ تو رزنس ”سم نس“<sup>57</sup>۔

حضرت ذکوان رضی اللہ عنہ کھاں حضرت عائشہ رضی اللہ عنہا اے غولامس، رزانو کھاں وخ دہ حضرت عائشہ رضی اللہ عنہا نحوڑہ بلی تو مون اجازہ گئی سیٹودی گیاس۔ سیٹے ششے واری سیٹے ژبو عبداللہ بن عبدالرحمن رضی اللہ عنہ بیٹس۔ مون رجاں: ”ام المؤمنین! خھودی عبد اللہ بن عباس رضی اللہ عنہ بش بون آلان“، اسہ وخ دنیے پھتوئے اخری وخس۔ رجیگی: ”ابن عباس رضی اللہ عنہ ٹو آیون نہ دیا، آ وخ دہ موڑ سہ سہ گہ سہ سے تکیارے ضرورت نانی“۔ ذکوان رضی اللہ عنہ ای رجاؤ: ”ام المؤمنین! ابن عباس رضی اللہ عنہ خھے ایک نیک گہ صالح پچن، خھوڑ سلام تھون گہ خھو روخصت تھون آلن“۔ تے رجیگی: ”شو، اگر تے لکھینوئے چہ سہ ای توئے سیٹوڑ ہو تھے اٹھ“۔ تے مون ہو تھاس آن عبداللہ ابن عباس رضی اللہ عنہ آبی سلام تھے ام المؤمنین اے کھن دہ بیٹو۔

**ویصیات:** تابعی عبید بن عمیر سہ رزانو حضرت عائشہ رضی اللہ عنہا او ویصیات تھیگی چہ می جنازہ پتو چلے توڑو تھے نہ ایا، آن می مڑے جی لھیلی شچا خادر نہ ویا، آن تومو غولام ذکوان رضی اللہ عنہ آزاد تھونے ویصیات تھیگی<sup>58</sup>۔

<sup>55</sup> اُمہات المؤمنین، محمود میاں نجی، ص: 71۔

<sup>56</sup> امام احمد بن حنبل: مسند عائشہ، جلد 4، ص: 92؛ طبری، تاریخ الرسل والملوک، جلد 4، ص: 102۔

<sup>57</sup> محمد بن سعد، طبقات ابن سعد، جلد 2، ص: 55، 70۔

<sup>58</sup> محمد بن سعد، طبقات ابن سعد، جلد 2، ص: 55، 70۔

## اُمُ الْمُؤْمِنِينَ حضرت سیدہ عائشہ صدیقہ رضی اللہ تعالیٰ عنہا

**وفات:** حضرت عائشہ رضی اللہ عنہا 17 رمضان، 58 ہجری رات آکچی دُنیے جی پکھی دُنیٰ لبیک رجیگی۔ سیٹے مرگے خبر بگارے شریا لئی جنی مدینہ خار دہ خور بلی، مدینہ شریف اے انصار گہ مہاجرین کھش بوئے گوڑو جی نکھتہ۔ رزن چہ راتیئے وخ دہ اتو بڑو جنازہ مدینہ دہ کرہ گہ نہ پشیگاس۔

**قبر:** ایک قولے مطابق سیٹے وفات 55 ہجری دہ چویو گہ شہ کالو عمر دہ بلی۔ حضرت عائشہ رضی اللہ عنہا اے وفات بلی تو صحابو رئی سی چہ سیٹے تدفین حضور صلی اللہ علیہ وسلم اے قبرے پوں واری تھین مگر حضرت عائشہ رضی اللہ عنہا اے وبصیاتس چہ سیٹے تدفین حضور صلی اللہ علیہ وسلم اے متی ازواجِ مطہراتو کھن دہ تھین۔



جنت البقیع دہ حضرت عائشہ رضی اللہ عنہا اے قبر مبارک

سیٹے وبصیاتے مطابق راتیئے وخ دہ جنت البقیع سِرئی دہ سیٹے تدفین بلی۔ سیٹے جنازہ اے نماز حضرت ابو ہریرہ رضی اللہ عنہ ای تھیاؤ۔ تجہیز گہ تکفین چارشمبہ چھک راتیئے وخ دہ بلی۔ قبر دہ ژبو گہ سزے پھیو جی (قاسم بن محمد بن ابی بکر، عبداللہ بن زبیر، عبداللہ بن محمد بن عبدالرحمن، عبد اللہ بن عبد الرحمن بن ابی بکر) ویگہ<sup>59</sup>۔

<sup>59</sup> محمد بن سعد، طبقات ابن سعد، جلد 2، ص: 55، 70۔



